

ՀՀ ԿԱ պետական եկամուտների կոմիտե

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 24/2

25 ապրիլի 2017թ.

Քննարկվեց Ա/Ձ Արկադի Եսայանի ներկայացուցչի գանգատը ՀՀ ԿԱ ՊԵԿ իրավաբանական վարչության պետի 10.03.2017թ. թիվ 117/02 որոշման դեմ:

Ա/Ձ Արկադի Եսայանի ներկայացուցչի գանգատում բերված փաստարկները.

Սույն թվականի հունվարի 11-ի ՀՀ ԿԱ պետական եկամուտների կոմիտեի նախագահի թիվ 1011637 հանձնարարագրի համաձայն ՀՀ ԿԱ ՊԵԿ Կենտրոնի հարկային տեսչության աշխատակիցներին հանձնարարվել է Ա/Ձ Արկադի Եսայանի մոտ իրականացնել ՀՀ օրենսդրությամբ հարկային մարմինն վերապահված իրավասության սահմաններում տնտեսվարող սուբյեկտի գործունեության ոլորտում օրենքի և այլ իրավական ակտերի հիման վրա հարկային մարմին ներկայացված հաշվետվությունների, հաշվարկների և այլ փաստաթղթերի արժանահավատությունը պարզելու, ՀՀ օրենքների և այլ իրավական ակտերի պահանջների կատարման նկատմամբ պետական հսկողություն իրականացնելու նպատակով անցկացնել բյուջեի հետ փոխհարաբերությունների և հարկային մարմնի կողմից վերահսկվող առանձին պահանջների կատարման ճշտության ստուգում:

Համաձայն հանձնարարագրի՝ ստուգման համար հիմք է հանդիսացել ՀՀ հատուկ քննչական ծառայության կոռուպցիոն, կազմակերպված և պաշտոնեական հանցագործությունների քննության վարչության պետի տեղակալ Էդ.Հակոբյանի «Ստուգում նշանակելու մասին» 23.12.2016 թվականի որոշումը:

Սույն թվականի հունվարին, Արկադի Եսայանը ծանոթանալով ստուգման որոշման համար հիմք հանդիսացած 30.11.2016 թվականի ՀՀ հատուկ քննչական ծառայության կոռուպցիոն, կազմակերպված և պաշտոնեական հանցագործությունների քննության վարչության պետի կողմից ՀՀ ԿԱ ՊԵԿ նախագահի տեղակալ Ա.Սաքապետոյանին հասցեագրված գրությամբ 2014-2015 թվականների ընթացքում իբրև թե իր կողմից ձեռք բերված ոսկու զանգվածի և արժեքի մասին տեղեկություններին, դրանք դիտել է որպես արդեն իսկ հաստատված հանգամանք, ընկել մոլորության մեջ և ՀՀ գործող հարկային օրենսդրության պահանջները չխախտելուն պատակով՝ այդ ժամանակահատվածների համար սույն թվականի հունվարի 20-ին ներկայացրել է շրջանառության հարկի հաշվարկի ճշգրտված հաշվետվություններ:

Այնուհետև, 24.01.2017 թվականին միջնորդություն է ներկայացվել ՀՀ ԿԱ ՊԵԿ Կենտրոնի ՀՏ-ի պետին՝ ստուգման գործընթացը կասեցնելու և սույն թվականի հունվարի 20-ին Ա/Ձ Արկադի Եսայանի կողմից ներկայացված ճշգրտված հաշվետվությունները հիմք ընդունելու հարցը առկախելու խնդրանքով:

Հաջորդիվ ՀՀ ԿԱ ՊԵԿ նախագահի 2014 թվականի փետրվարի 14-ի հրամանի համաձայն իրավացիորեն հաշվառումից հանվել է հունվարի 11-ի ՀՀ ԿԱ ՊԵԿ նախագահի թիվ 1011637 հանձնարարագիրը, սակայն, անհասկանալիորեն 24.01.2017 թվականի գրությամբ բարձրացված երկրորդ հարցը չի քննարկվել և սույն թվականի մարտի 10-ին ՀՀ ԿԱ ՊԵԿ իրավաբանական վարչության պետի կողմից որոշում է

ընդունվել Ա/Ձ Արկադի Եսայանից գանձել ժամանակին չվճարված 2.468.606 դրամ գումար, որն ինչպես նշվեց վերագրյալում՝ լրացուցիչ առաջացել էր սույն թվականի հունվարի 20-ին ՀՀ հատուկ քննչական ծառայության կողմից ներկայացված տվյալների հիման վրա Ա/Ձ Արկադի Եսայանի կողմից ճշգրտված հաշվետվություններ տալու պատճառով:

Ա/Ձ Արկադի Եսայանի կողմից սույն թվականի հունվարի 20-ին թյուրիմացաբար (հիմքում ընդունելով միայն ՀՀ հատուկ քննչական ծառայության կողմից ներկայացված տվյալները) ներկայացված ճշգրտված հաշվետվությունների տվյալները չեն կարող ՀՀ ԿԱ ՊԵԿ-ի կողմից դիտվել որպես հաստատված հանգամանք և դրվել հարկի գանձման հիմքում, քանի որ այդ գործարքները տեղի ունենալու կամ չունենալու, դրանց չափերի կամ այլ էական հանգամանքների վերաբերյալ դեռևս պետք է առկա լինի դատարանի օրինական ուժի մեջ մտած դատավճիռ, որից հետո միայն կարելի է բարձրացնել լրացուցիչ հարկային պարտավորություններ առաջացնելու հարցը (նշվածի դատավարական նախապատմությունը ներկայացված է 24.01.2017 թվականի ՀՀ ՊԵԿ Կենտրոնի ՀՏ-ի պետին ուղղված միջնորդությամբ):

Վերագրյալի հիման վրա՝ Ա/Ձ Արկադի Եսայանը խնդրում է առջին ճանաչել ՀՀ ԿԱ ՊԵԿ իրավաբանական վարչության պետի 10.03.2017 թվականի թիվ 117/02 որոշումը և Ա/Ձ Արկադի Եսայանի հարկային պարտավորություններին անդրադառնալ միայն նրա վերաբերյալ կայացվելիք դատավճիռն օրինական ուժի մեջ մտնելուց հետո:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը, ուսումնասիրելով սույն գործին առնչվող նյութերն ու ապացույցները, եկավ հետևյալ եզրակացության.

Քննարկման ընթացքում նշվեց, որ ՀՀ ԿԱ ՊԵԿ աշխատակազմի իրավաբանական վարչության պետը, քննարկելով Ա/Ձ Արկադի Եսայանի վերաբերյալ վարչական վարույթի նյութերը պարզել է, որ 26.01.2016թ. դրությամբ նրա չկատարված հարկային պարտավորությունները կազմում են 2.468.606 դրամ, որից ապառք 1.494.519 դրամ, տույժ 974.087 դրամ:

ՀՀ ԿԱ ՊԵԿ աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ ընկերության չկատարված հարկային պարտավորությունները գանձելու վերաբերյալ՝ «Հարկերի մասին» ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 27.02.2017թ. Ա/Ձ Արկադի Եսայանը պատշաճ կերպով ծանուցվել է և ներկայացել վարույթի նյութերին ծանոթանալու համար:

Ա/Ձ Արկադի Եսայանի 26.01.2016թ. դրությամբ չկատարված հարկային պարտավորությունները կազմում են 2.468.606 դրամ, որից եկամտային հարկի գծով 5.556 դրամ, իսկ շրջանառության հարկի գծով 2.463.050 դրամ: Շրջանառության հարկի գծով պարտավորություններն առաջացել են 2014թ. 4-րդ եռամսյակից մինչև 2016թ. 4-րդ եռամսյակն ընկած ժամանակահատվածի համար ներկայացված շրջանառության հարկի հաշվարկներով:

Արդյունքում, ղեկավարվելով «Հարկերի մասին» ՀՀ օրենքի 29.1 հոդվածի և «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 88-րդ հոդվածների դրույթներով ՀՀ ԿԱ ՊԵԿ աշխատակազմի իրավաբանական վարչության պետի կողմից 31.08.2016թ-ին ընդունվել է թիվ 680/09 որոշումը (այսուհետ նաև՝ Որոշում) Ա/Ձ Արկադի Եսայանից 2.468.606 դրամ պարտավորության գումար գանձելու մասին:

Քննարկման ընթացքում պարզվեց, որ Ա/Ձ Արկադի Եսայանի կողմից 23.03.2017թ. ներկայացվել է շրջանառության հարկի ճշգրտված հաշվարկներ, որոնցով ճշգրտվել են 2014թ. 4-րդ, 2015թ. 1-ին և 2-րդ եռամսյակների համար ներկայացված շրջանառության հարկի հաշվարկները: Արդյունքում, Կենտրոնի ՀՏ կոցմից կատարվել է Ա/Ձ Արկադի Եսայանի հարկային պարտավորությունների վերահաշվարկ, որի հետևանքով Ա/Ձ Արկադի Եսայանի 26.01.2016թ. դրությամբ չկատարված հարկային պարտավորությունների ընդհանուր գումարը, ըստ ՀՀ ԿԱ ՊԵԿ «Հարկատու 3» տեղեկատվական բազայում առկա տվյալների, կազմում է ոչ թե 2.468.606 դրամ, այլ՝ 9.099 դրամ: Այսինքն, Որոշմամբ գանձման առաջադրման ենթակա պարտավորությունների ընդհանուր չափը կազմում է 9.099 դրամ:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով Հանձնաժողովը

ո Ր Ո Շ Ո Ւ Մ Է՝

ՀՀ ԿԱ ՊԵԿ իրավաբանական վարչության պետի 10.03.2017թ. թիվ 117/02 որոշմամբ գանձման ենթակա պարտավորությունների ընդհանուր չափը սահմանել 9.099 դրամ:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել տեսչական մարմինների միասնական բողոքարկման հանձնաժողով կամ ՀՀ վարչական դատարան:

Հանձնաժողովի նախագահ՝



Վ.ՄԻՐՈՒՄՅԱՆ